

Ո Ր Ո Շ ՈՒ Մ N 576

վարչական գործի վարույթը կարճելու մասին

08 նոյեմբերի 2022թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատար Տիգրան Մնացականյանս, քննելով Վարդան Աղդալյանի (Հայաստանի Հանրապետության քաղաքացի, անձնագիր՝ AT0552513, ծնված՝ 03.04.1977թ.) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Վարդան Աղդալյանը (Vardan Aghdalyan) 15.09.2022 թվականին թիվ 05100022/150922/0000730662 մաքսային մուտքի օրդերով 29 օր ժամկետով՝ մինչև 14.10.2022 թվականը ՀՀ տարածք է ներմուծել CITROEN C4 PICASSO մակնիշի, DM652DR պետհամարանիշի, VF73D9HC8EJ752377 նույնացման համարի, 2014 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 3-րդ բաժանմունքի պետ Ա.Հովսեփյանի կողմից 21.10.2022 թվականին Վարդան Աղդալյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ

ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ /ուժի մեջ է մինչև 17.10.2022թ./:

17.10.2022թ. ուժի մեջ է մտել «Մաքսային կարգավորման մասին» ՀՀ օրենքը: Նշված օրենքի 338-րդ հոդվածի 7-րդ կետի համաձայն՝ Մինչև սույն օրենքն ուժի մեջ մտնելը կատարված մաքսային կանոնների խախտման վերաբերյալ գործերը քննվում են 2000 թվականի հուլիսի 6-ի Հայաստանի Հանրապետության մաքսային օրենսգրքի 13-րդ բաժնի դրույթներին համապատասխան:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 26.10.2022 թվականի թիվ Ն/2-4/188317-2022 գրությամբ տրամադրված տեղեկությունների համաձայն Վարդան Աղդալյանը 15.09.2022 թվականին Բավրայի սահմանային անցակետով ՀՀ է ներմուծել CITROEN մակնիշի, DM652DR պետհամարանիշի ավտոմեքենա, որը 07.10.2022 թվականին Բագրատաշենի մաքսային կետով արտահանել է ՀՀ-ից:

Այսպիսով, վարչական վարույթի նյութերով հիմնավորվում է, որ Վարդան Աղդալյանի գործողություններում բացակայում է իրավախախտման դեպքը:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով, ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝

Ո Ր Ո Շ Ե Ց Ի

1. Վարդան Աղդալյանի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Վարդան Աղդալյանին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ Ժ/Պ

2



Տ.ՄԱՅԱԿԱՆՅԱՆ